

SCRIPT OF EVENING GOJRI NEWS BULLETIN 14JULY 1700 HRS

ایونینگ گو جری نیوز بلیٹن مورخہ 14 جولائی 2025

یوہ آکا شوانی جموں ہے مشتاق احمدتے نصرت تیں خبر سنو۔

HEADLINES

۱. خوارک تے ایندھن کی قیمتاں مانہ کمیگے باعث جون 2025 مانہ بھارت کی ڈبلی و پی آئی افراط در منفی صفر اشاریہ 13 فی صد توڑی کھٹو گئی ہے۔

۲. بی جے پی غا سننیر رہنما ت جموں کشمیر غا سابق نائب وزیر اعلیٰ کویندر گپتا نانہ لداخ غا نواں لیفٹیننٹ گورنر غا طور ور مقرر کیو ہے۔

۳. ساون مہینہ گا پہلا سوموار نانہ کنیں عقیدت مند مندران مانہ پوجا کر رہیا ہیں۔

۴. سینٹرل یونیورسٹی جموں نے سویم این پی ٹی ای ایل اسناد مانہ لگاتار تیجی بار اے گریڈ حاصل کیو ہے۔

WPI

بھارت نے ڈبیلو پی آئی مانہ اس سال گا جون مہینہ مانہ افراط زد پچھلے سال گا مقابلہ مانہ منفی صفر اشاریہ ترے فی صد کھٹ درج کی گئی ہے وزارت تجارت تے صنعت کی طرفوں جاری کردہ اعداد و شمار غے مطابق بنیادی طور ور غزائی اشیاء تیل بنیادی دھاتاں گو تیاری خام پرو لیم تے قدرتی گیس کی قیمتاں مانہ کمی کی وجہ توں یا ہ کمی درج کی گئی ہے ڈبیلو پی آئی ور مبنی افراط زد اس سال مارچ مہینہ تو لگا تار کھٹ ہو رہی ہے غزائی مہنگائی سال در سال منفی صفر اشاریہ 26 فی صد کھٹ ہوئی ہے تے اسے دوران بنیادی سازو سامان مانہ منفی ترے اشاریہ 38 فی صدی مہنگائیہ درج کی گئی ہے ایندھن تے بجلی غا شعبہ مانہ وی منفی دو اشاریہ 65 فی صد تے تیار شدہ مصنوعات مانہ مہنگائی ایک اشاریہ 97 فی صد درج کی گئی ہے۔

LG KAVINDER

بی جے پی غا سننیر رہنما تے جموں کشمیر غا سابق نائب وزیر اعلیٰ کووندر پپتا نانہ لداخ غو نوو لیفٹیننٹ گورنر تعناں کیو گیو ہے۔ انہاں نے مارچ 2015 توں اپریل 2018 توڑی ترے سال توں زیادہ عرصہ توڑی جموں کشمیر قانون ساز اسمبلی گا اسپیکر غے طور ور اپنی خدمات انجام دتی بعد مانہ وے دو مہینہ توں وی کھٹ عرصہ واسطے جموں کشمیر ریاست گا نائب وزیر اعلیٰ غا عہدہ ور رہیا اُن کی تقرری بریگیڈیر ڈاکٹر بی ڈی مشرا گا استیفہ توں بعد ہوئی ہے اس استیفہ نانہ صدر جمہوریہ نے قبول کرلیو ہے اس غے نال نال صدر جمہوریہ درویدی مرمو تے پروفیسر آشم کمار گوش نانہ بریانہ غا گورنر تے پوسپاتی اشوک گجا پتی راجو نانہ گوا غو گورنر مقرر کیو ہے۔

SAWAN MONDAY

ساون مہینہ غا پہلے سوموار نانہ بہت سارا عقیدت مند بھگوان شیو کی عبادت کرن واسطے ضلع ریاسی اگ شیو کھوڑی گؤفا ور ہمو ہوا خوبصورت شیولنگ پہاڑیاں گے بشکار گؤفا مانہ بنیو وہ مندر اپنی گہری ت مزیدی اہمیت کی وجہ سنگ ملک بھر توں زائرین نانہ اپنی طرف متوجہ کرے اس موقعور کجھ عقیدت منداں نے آکاشوانی نیوز سنگ گل کرتا واں اس طرح کہیو۔ اسے طرح ساون مہینہ گا پہلے سوموار نانہ ہزاراں عقیدت منداں تاریخی شری بوڑھا امرناتھ مندر تے دشمنی اکھاڈا پونچھ مانہ وی پوجا کی اسے دوران پنڈت ارون کمار نے اس دن کی اہمیت ور لوپاتاں واں اس طرح کہیو۔

BUDDHA AMARNATH YATRA

پونچھ ضلع مانہ 28 جولائی توں شروع ہون آلی سالانہ بڈھا امرناتھ یاترا غا سلسلہ مانہ پولیس ہیکام نے یاترا نانہ محفوظ تے پُر امن منعقد کران واسطے سکت حفاظتی اقدامات کیا ہیں ضلع بھر مانہ اہم مقامات ور سکیورٹی چیک پائینٹ نانہ مزید سخت کردتو گیو ہے۔ خطرہ غے پیش نظر مباری آپریتنگ طریقہ کار گے مطابق پولیس ٹیمان نے علاقہ مانہ داخل ہون تے باہر جان آلی گڈیاں تے افراد کی تلاشی

نانہہ مزید تیز کردتو بے یاترا نانہہ کسے وی ناخوشگوار واقع توں روکن واسطے اضافی تعیناتی گو عمل شروع کردتو بے۔

JMC COMM

شہر مانہہ صفائی تے بہتر سہولیات نانہہ یقینی بنان واسطے جموں بلدیاتی محکمہ غا کمشنر ڈاکٹر دیوانش یادو نے اج مختلف مقامات غو تفصیلی دورو کیو تے خصوصی طورور شری امرناتھ جی یاترہ واسطے بنایا گیا یاتری رہائشی مراکز غی اچانک جانچ کی یاترا غے دوران عقیدت منداں غی بڑی تعداد نانہہ مد نظر رکھتا وں کمشنر نے بھگوتی نگر یاتری نواس بکرم چوک جیول کچی چھاونی رہاڑی نروال تے دیگر علاقوں غو دورو کیو انہاں نے موقع ور صفائی ستھرائی غی صورتحال غو جانیزو لیو۔

CUJ A GRADE

سینٹرل یونیورسٹی جموں نے اک وار پبھر تعلیمی نظام مانہہ اپنی شاندار کارکردگی غو مظاہرو کیو بے جت اس غو سویم این پی ٹی ای ایل مقامی شاخ نانہہہ جنوری تیں جولائی 2025 توڑی غا مسلسل امتحانات مانہہہ تنجے سال وی اے گریڈ لبو بے صرف اس سیشن مانہہہ بی 28 طلنہ نے سونا گا تمغہ 237 طلبہ نے چاندی غا تمغہ تے 335 طلبہ نے ایلانیٹ اسناد حاصل کیا ہیں این پی ٹی ای ایل یعنی تکنیک غے ذریعے تعلیم نانہہہ فروغ دین گو قومی منصوبو ایک نمایا تعلیمی قدم بے جس انہہہ بھارت غا معروف ادارہ آئی آئی ٹی ایز تے آئی آئی ایس ایز چلا رہیا ہیں تے یہ وزارت تعلیم بھارتی حکومت غے تحت مالی مدد حاصل کرے۔ اس غے تحت سویم پلیٹ فارم ور انجینئرینگ، سائنس تے بیومنٹیز غا آن لائن کورسز فراہم کیا جیں جس نانہہہ طالب علم خود پڑھ سکیں۔

IIM JAMMU

انڈین انسٹیٹیوٹ آف منجیمنٹ آئی آئی ایم جموں آئندہ 14 تیں 18 تاریخ توڑی جگتی کیمپس مانہہہ نواں ایم بے اے، ای ایم بی اے، پی ایچ ڈی تے ایم بی اے ہیلتھ کیئر بیچیز ناں خوش آمدید کہن غی خاطر اک مجموعی واقفیت ور مبنی پروگرام منعقد کر رہیو بے اس پروگرام غو آغاز مرکزی وزیر ڈاکٹر جتندر سنگھ غی طرفوں اک نواں ہوسٹل کمپلیکس غا افتتاح سنگ کیو جانگو لیفٹیننٹ گورنر منوج سنہا اختتامی اجلاس سنگ خطاب کریں غا نالے عالمی معیار غا تیجس سپورٹس کمپلیکس گو افتتاح وی کریں گا اس پروگرام غے دوران ماہرانہ گل بات ثقافتی شام پیش کی جانگی جن گو مقصد طالب علمان نانہہہ اس پروقار علمی سفر واسطے تیار کرنو بے۔

DODA SBM

عوامی صفائی تے نوجوانان غی ترقی در ایک اہم قدم چاتا وں ڈپٹی کمشنر ڈوڈہ ہرویندر سنگھ نے گورنمنٹ طبی لاجھ ڈوڈہ غا او پی ڈی بلاک غے قریب 2 منزلہ مربوط سہولت غی سنگ بنیاد رکھی یوہ منصوبو سوچہ بھارت مشن ۲ اشاریہ صفر غے تحت شروع کیو گی وبے جس غو مقصد صفائی ستھرائی غا بنیادی ڈھانچہ نانہہہ بہتر بنانو تے نوجوانان واسطے دوستانہ مقامات فراہم کرنو بے حکام نے دسیو کہ اس سہولت مانہہہ جدید بیتا الخلا تے کمیونٹی استعمال واسطے کئی طرح گا کماں غا علاقہ ویں غا۔ اس بارے ڈی سی ڈوڈہ نے اس طرح کہیو۔

ARTO KISHTWAR

کشتواڑ غا اسٹینٹ علاقائی نقل و حمل آفیسر تسلیم وانی نے 1 جون 2025 تیں ہُن توڑی مائر ویکل ایکٹ (1988 غی دفعہ 86(1) غے تحت 4 گڈیاں غ اروٹ پرمٹ 3 مہینہ واسطے معطل کیاہیں جد کہ دفعہ 19(1) کے تحت 9 ڈراونگ لائسنس وی معطل کیا ہیں اس غے علاوہ 230 گڈیاں غو ای چلان کیو بے (d)(f) 31 گڈیاں نانہہہ ضبط کیو گیو تے 51 گڈیاں نانہہہہ بلیک لسٹ کیو گیو بے ان خلاف ورزیاں ور کل ملا غے 9 لکھ 65 ہزار روپیہ جرمانو وصول کیا گیا ہیں جہیڑ اکہ بار بار ٹریفک قوانین توڑن خطرناک ڈراونگ اوور لوڈنگ سنٹ دکھان تے دیگر سنگین جرائم ور عائد کیو گیو بے اس بارے مزید معلومات دیتا وں اے آر ٹی او کشتواڑ تسلیم وانی نے اس طرح کہیو۔

WEATHER

محکمہ موسمیات کے مطابق آج توں 17 جولائی توڑی کشمیر صوبہ غا بکھ بکھ مقامات ور گرج چمک گے سنگ ہلکی تیدرمیانہ درجہ گی بارش تے 30 توں 40 کلو میٹر فی گھنٹہ گی رفتار سنگ تیز ہوا ہوسکے اسے دوران جموں صوبہ غ اوئی پکھپکھ مقامات ور بھاری بارش ہوسکے کساناں نانہہ سختی سنگ یوہ مشورو دتو جے کہ وے اس مدت گے دوران تمام زرعی سرگرمیاں نانہہ معطل کردیں تے ضرورے پین ور محکمہ موسمیات سنگ رابطو کریں 17 جولائیتک خاص طور ور پہاڑی علاقوں تے پہاڑی رستاں غے سنگ سنگ کمزور علاقوں مانہہ زمین کھسکن تے پتھر آن غو خطرو زیادہ بے زمین کھسکن ت پتھر آن گو خطرو زیادہ بے زمین کھسکن غا بشکار علاقوں مانہہ مسافراں تے اُت غا رہائشیاں نانہہ احتیاط برتن تے نقل وحرکت نانہہ محدود کرن گی تاکید کی گئی بے مزید جاناری دیتا واں ماہر موسمیات بر ہم پال نے محکمہ موسمیات غا دفتر سرینگر توں اس طرح کہیو۔
